

Një menaxher i një firme autobusësh urbanë, vrau veten mesditën e së premtes në banesën e tij në Tiranë.

Lulzim Saliasi, 42-vjeçar, preu damaret në apartamentin e tij në afërsi të Prokurorisë së Tiranës, duke lënë një leter shpjeguese për familjarët e tij.

Saliasi shpjegonte në leter se kishte borxhe për shkak të humbjeve të tij në kumar dhe kerkonte falje përpara familjes. Në leter 42-vjeçari i linte bashkeshortës amanet dy vajzat e tij dhe i kerkonte që të kujdesej për to. Saliasi u gjat i vetvrare nga bashkeshortja dhe nipi i tij. Ai kishte lënë një takim me ta dhe kur po vonohej familjarët shkuan në banesë, shqyen portën dhe e gjetën të vetëvrarë në apartament.

Kumari është shndërruar në një plagë të madhe sociale në Shqipëri. Humbja e parave dhe shkatërrimi i ekonomive familjare si pasoje e lojërave të fatit është shkak kryesor i një rritjeje drastike të divorceve në gjykatë, por edhe burim i kriminalitetit për shkak të një zinxhiri borxhesh që viktimat e këtij vesi krijojnë. /TopChannel/